

Communicaziun a las medias BCG

La BCG ed il Project en favur dal gaud da muntogna pussibiliteschan 60 jobs da stad per giuvenils

Cuira, ils 6 d'avrigl 2016 – Jobs da stad raschunaivels e pajads per giuvenils èn stgars ozendi. La Banca Chantunala Grischuna (BCG) ed il Project en favur dal gaud da muntogna dattan cuntrapaia e lantschan durant las vacanzas da stad danovamain emnas da project en quatter lieus en il Chantun. 60 mattas e mats da quindesch fin deschnov onns pon ussa [s'annunziar](#) per in'emna da lavur en il gaud da muntogna grischun.

Mattas e mats interessads han a partir d'immediat la pussaivladad da s'annunziar per in job da stad en il gaud da muntogna. Ils lieus d'acziun da quest onn sa chattan a Cuira, Claustra, Panaduz e Tumein. Durant in'emna il fanadur e l'avust contribueschan las 60 participantas e participants ensemen cun ils selviculturs dal Project en favur dal gaud da muntogna a mantegnair la funcziun da protecziun multifara dal gaud da muntogna. Els construeschan vias d'inspeziun, fan saivs cunter ruissas da selvaschina u plantan pitschnas plantas. Per lur engaschi dad in'emna obtegnan las giuvnas lavureras ed ils giuvenils lavurers in daner da giaglioffa da 500 francs.

Las emnas da project cuminaivlas da la Banca Chantunala Grischuna e dal Project en favur dal gaud da muntogna han lieu quest onn per la quarta giada. Cun ses engaschi contribuescha la Banca Chantunala Grischuna a la tgira dal gaud da muntogna sco spazi da protecziun e da viver absolutamain necessari. Il Project en favur dal gaud da muntogna è ina fundaziun d'utilitad publica cun sedia a Trin. Sia finamira è da tgirar e da mantegnair il gaud da muntogna. El è il partenari ideal, cunquai che sia idea sa cunfa bain cun la politica da persistenza da la BCG. Il medem mument pon ils giuvenils passentar grazia als jobs da stad in'emna da project raschunaivla e pajada durant lur vacanzas.

Mattas e mats motivads tranter quindesch e deschnov onns che lavuran gugent en in team e che vulan s'engaschar per il gaud da muntogna grischun s'annunzian fin il 1. da matg sut gkb.ch/sommerjobs.

Contact per collavuratur da medias:

Banca Chantunala Grischuna, Medias & Investor Relations, Chascha postala, 7002 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per personas privatas, l'economia ed il maun public. La banca occupa l'052 collavuraturas e collavuratur (stadi dals 31-12-2015). En il chantun Grischun cun sias numerus vals e pliras linguas, è l'interpresa represchentada cun 62 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2016: 29 da fanadur 2016
